

BUDESONIDE AND FORMOTEROL

bew-dess-oh-nide me te for-mot-er-ol

He aha te mahi?

Ka āwhina te *budesonide* me te *formoterol* ki te ārai i ngā raruraru whakahā pērā i te huangō me te COPD. E whakamahia anō ki te whakamāmā i ngā tohumate mō te hunga mate huangō mā te whakamahi i te mahere mahi AIR, SMART rānei. He rongoā pūtaiaki te *budesonide* ka whakaiti i te uruhumu i ō ārahau, ā, ka huaki a *formoterol* i ngā arahau whāiti kia māmā ake ai te whakahā.

I mua i tō timata

- Me kōrero atu ki tō rata mēnā kei te mate kōiwi (kōiwi ngoikore).
- Me kōrero atu ki tō rata mēnā kei te hapū koe, kei te whai rānei koe kia hapū koe, kei te whāngaiū rānei.

Me pēhea te whakamahi?

Me whakangā te *budesonide* me te *formoterol* e ai ki ngā tohutohu a tō mātanga hauora. Me horoi i tō waha i muri mai.

Turbuhaler, Spiromax rānei: Me huri anake te pūtaka o tō ngongō, me whakatuwhera rānei i te uhi ina kua rite koe ki te whakangā i te horopeta. Mēnā ka mahi koe i tēnei neke atu i te kotahi, kotahi anake te horopeta ka puta, ā, ka ngaro ngā toenga.

Mēnā he wawe tō hiahia i ngā rongoā whakamaene mai i ngā tohumate huangō, ngā raruraru whakahā rānei, me whakamahi i tō rongoā 'whakamāmā' (hei tauira, salbutamol, terbutaline, ipratropium). Mēnā he mate huangō koe, ā, kei te whakamahi i te mahere mahi AIR, SMART rānei, ko te *budesonide* me te *formoterol* tō pūarai me tō rongoā whakamāmā.

Ka aha mēnā ka wareware i a koe tētahi horopeta te kai?

Mēnā kua tata ki te wā mō tō horopeta whai ake, me waiho te horopeta i tāhapatia ka whakangā i tō horopeta whai ake i te wā e tika ana. Tērā rānei, me whakangā te horopeta i tāhapatia ina maumahara ana koe.

Ka taea anō e koe ētahi atu rongoā te kai?

Me kōrero atu ki tō kaitaka rongoā, rata rānei mō ngā rongoā katoa, whakamaimoatanga rānei e whiwhi ana koe, tae atu ki ngā huora, ngā hua otaota, ngā whakapōauau rānei.

He aha ngā hua kino ka rongo pea koe?

Ngā Hua Kino	Tūtohutanga hei whai
Ko ngā tohumate o te kapa manawa tere, pokapoka rānei ko te: kaka, pātukituki, mamae rānei i tō poho, pōātinitini, tāporepore rānei	Me kōrero atu ki tō rata
Ngā hāhāki mā iti i rō waha, arero huruhuru (mateihi ā-waha)	Me kōrero atu ki tō mātanga hauora
Wāha maroke, korokoro maroke rānei, reo whangowhango Wiriwiri, ka uauawhiti	Me kōrero atu ki tō rata mēnā kei te mamae

Ki te pā mai ētahi atu hua kino, me kōrero atu ki tō rata, kaitaka rongoā rānei.

Ētahi atu mōhiohio:

- Kaua e whakamutu te whakamahi i tō ngongō me te kore kōrero atu ki tō rata i te tuatahi.
- Ka hēmanawa ētahi tāngata e pāngia ana e te mate huangō i muri i te kai i ngā rongoā whakamaene mamae pērā i te aspirin (hei tauira, Aspec®), diclofenac (hei tauira, Voltaren®), ibuprofen (hei tauira, Nurofen®) rānei. Me kōrero atu ki tō mātanga hauora.
- He tino rerekē te whakamahi ngongō ka hē kē atu te whakahā. Me kōrero atu ki tō mātanga hauora mō tēnei.
- He tino rerekē te pā mai o ngā pānga i te whakamahinga wā roa o te *budesonide* pērā i te: kanohi porowhita, rerekē te āhua o te tinana, rerekē te tipu o ngā makawe, kiri mataero, kōiwi ngoikore, ka nui ake te tūpono ki te whakapokenga, ka nui ake te pēhanga toto, ka rerekē haere te kite me te matehuka – me kōrero ki tō mātanga hauora.
- Mēnā kei te whakamahi koe i tō *budesonide* and *formoterol* hei whakamāmā, me noho tata mai i ngā wā katoa kia mōhio ai koe kei hea ina hiahitia ana e koe.

He mōhiohio hira kei roto i tēnei mātāre, engari ehara koinei ngā mōhiohio katoa, mō tēnei rongoā.
I whakaritea e te Komiti MyMedicines i te Hōhipera o Ōtautahi, Te Whatu Ōra - Wāitaha, Aotearoa. Hui-tanguru 2025